



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

25.05.2017թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

ՍՑ-ԳԲԽ-24/17

ՀՀ գնումների բողոքարկման խորհրդի (այսուհետ նաև՝ Խորհուրդ) ՍՑ-ԳԲԽ-24/17 բողոքը քննող հանձնաժողովը՝ գործելով Խորհրդի անունից և ուսումնասիրելով ՀՀ ֆինանսների նախարարության 23.03.2017թ. թիվ 03/73-3/5169-17 և 11.04.2017թ. թիվ 03/73-1/6316-17 գրություններով ներկայացված «Բասլենդ» ՍՊԸ-ին (ՀՎՀՀ՝ 07615943) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքը (այսուհետ նաև՝ ՍՑ-ԳԲԽ-24/17 բողոք), «Գնումների մասին» ՀՀ օրենքը (այսուհետև նաև՝ Օրենք), ՀՀ կառավարության 10.02.2011թ. թիվ 168-Ն որոշմամբ հաստատված «Գնումների գործընթացի կազմակերպման» կարգը (այսուհետ նաև՝ Կարգ), Երևանի քաղաքապետարանի 23.03.2017թ. թիվ 03/73-3/5169-17 և 11.04.2017թ. թիվ 03/73-1/6316-17 գրությունները և կից փաստաթղթերը, պարզեց հետևյալը.

1. ՀՀ ֆինանսների նախարարության ներկայացրած պահանջը

ՀՀ ֆինանսների նախարարությունը, Երևանի քաղաքապետարանի 23.03.2017թ. թիվ 03/73-3/5169-17 և 11.04.2017թ. թիվ 03/73-1/6316-17 գրությունների հիման վրա, 23.03.2017թ. թիվ 03/73-3/5169-17 և 11.04.2017թ. թիվ 03/73-1/6316-17 գրություններով դիմել է «Գնումների աջակցման կենտրոն» ՊՈԱԿ-ին (այսուհետ նաև՝ Կենտրոն)՝ խնդրելով ուսումնասիրել «Բասլենդ» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու

իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ Ընկերությանը Ցուցակում ներառելու համար:

2. «Բասլենդ» ՍՊԸ-ի ներկայացրած փաստարկները և դիրքորոշումը

Կենտրոնը 24.03.2017թ. թիվ 02/04.1/1154-17 գրությամբ կարծիք ստանալու նպատակով դիմել է «Բասլենդ» ՍՊԸ-ին, սակայն կարծիք չի ստացվել:

26.04.2017թ.-ին ԳԲԽ-24/17 նիստի ժամանակ Ընկերությունը խորհրդին է ներկայացրել գրություն, որով հայտնել է, որ «Բասլենդ» ՍՊԸ-ն նախորդող 3 տարիների ընթացքում բացառապես զբաղվել է ավտոտրանսպորտային գործունեությամբ, որը հանդիսացել է հաստատագրված վճարի հարկման օբյեկտ: Որպես հաստատագրված հարկ վճարող, Ընկերությունը պարտավոր է Հարկային տեսչություն ներկայացնելու հաստատագրված վճարի հաշվարկման համար ելակետային տվյալների մասին հայտարարություն, ինչը և Ընկերության կողմից արվել է:

Ընկերությունը մեջբերել է՝ «Հաստատագրված վճարների մասին ՀՀ օրենքի» 15-րդ հոդվածի 2-րդ կետը, «Շրջանառության հարկի մասին ՀՀ օրենքի» 4-րդ հոդվածի 3-րդ կետի 1-ին ենթակետը:

3. Երևանի քաղաքապետարանի ներկայացրած փաստարկները և դիրքորոշումը

Երևանի քաղաքապետարանը 16.03.2017թ. թիվ 01/61-4603 և 05.04.2017թ. թիվ 01/61-5931 գրություններով ներկայացրել է «ԵՔ-ՇՀԾՁԲ-17/22» և «ԵՔ-ՇՀԾՁԲ-17/26» ծածկագրերով շրջանակային համաձայնագրերի միջոցով գնում կատարելու ընթացակարգի հրավերների անհրաժեշտ փաստաթղթերի պատճենները:

4. ՍՑ-ԳԲԽ-24/17 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը

ՀՀ ֆինանսների նախարարության 23.03.2017թ. թիվ 03/73-3/5169-17 և 11.04.2017թ. թիվ 03/73-1/6316-17 գրություններով ներկայացված «Բասլենդ» ՍՊԸ-ին գնումների գործընթացին

մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1.«Բասլենդ» ՍՊԸ-ն Երևանի քաղաքապետարանի (այսուհետ նաև՝ Պատվիրատու) կարիքների համար կազմակերպված «ԵԲ-ՇՀԾՁԲ-17/22» և «ԵԲ-ՇՀԾՁԲ-17/26» ծածկագրերով շրջանակային համաձայնագրերի միջոցով գնման ընթացակարգերին, համապատասխանաբար՝ 06.03.2017թ. և 27.03.2017թ.-ներին հայտեր է ներկայացրել, առաջարկելով հետևյալ գնային առաջարկները՝ **520000 ՀՀ դրամ և 3290000 ՀՀ դրամ** համապատասխանաբար:

2. Պատվիրատուն, ղեկավարվելով Կարգի 47-րդ կետի 1-ին մասի դրույթներով ՀՀ ԿԱ ՊԵԿ հարցում է ներկայացրել առաջին և հաջորդաբար տեղ զբաղեցրած մասնակիցների՝ ՀՀ պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների առկայության վերաբերյալ:

3. ՀՀ ԿԱ ՊԵԿ-ը 10.03.2017թ. և 31.03.2017թ. տրամադրել է եզրակացություն, համաձայն որի «Բասլենդ» ՍՊԸ-ի հայտերը ներկայացնելու օրվա **(06.03.2017թ. և 27.03.2017թ.)** նախորդող երեք հաշվետու տարիների համախառն եկամուտի վերաբերյալ տեղեկություններ առկա չեն:

4. Ընթացակարգի գնահատող հանձնաժողովը 14.03.2017թ նիստի N 3 և 03.04.2017թ. նիստի N 4 արձանագրությունների համաձայն՝ «Բասլենդ» ՍՊԸ-ի հայտերը մերժել է:

5. ՀՀ ֆինանսների նախարարությունը, Երևանի քաղաքապետարանի 23.03.2017թ. թիվ 03/73-3/5169-17 և 11.04.2017թ. թիվ 03/73-1/6316-17 գրությունների հիման վրա, 23.03.2017թ. թիվ 03/73-3/5169-17 և 11.04.2017թ. թիվ 03/73-1/6316-17 գրություններով դիմել է «Գնումների աջակցման կենտրոն» ՊՈԱԿ-ին (այսուհետ նաև՝ Կենտրոն)՝ խնդրելով ուսումնասիրել «Բասլենդ» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ Ընկերությանը Ցուցակում ներառելու համար:

5. Խորհրդի հիմնավորումները և եզրահանգումը

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:

Օրենքի 5-րդ հոդվածի 3-րդ մասի 4-րդ կետի համաձայն՝ մասնակիցը պետք է ունենա պայմանագրով նախատեսված պարտավորությունների կատարման համար հրավերով պահանջվող ֆինանսական միջոցներ:

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների գործընթացին մասնակցության իրավունք չունեցող մասնակիցների ցուցակում ներառելու համար:

Կարգի 67-րդ կետի համաձայն «Ֆինանսական միջոցներ» չափանիշը գնահատվում է հետևյալ կարգով՝

1) հրավերով պահանջվում է, որ Հայաստանի Հանրապետության ռեզիդենտ հանդիսացող մասնակիցն իր հայտով ներկայացնում է հայտարարություն այն մասին, որ իր կողմից հայտը ներկայացվելուն նախորդող՝

ա. երեք հաշվետու տարիների համախառն եկամտի հանրագումարը պակաս չէ ներկայացված գնային առաջարկից.

«Բալենդ» ՍՊԸ-ն Երևանի քաղաքապետարանի (այսուհետ նաև՝ Պատվիրատու) կարիքների համար կազմակերպված «ԵԲ-ՇՀԾՁԲ-17/22» և «ԵԲ-ՇՀԾՁԲ-17/26» ծածկագրերով շրջանակային համաձայնագրերի միջոցով գնման ընթացակարգերին, համապատասխանաբար՝ 06.03.2017թ. և 27.03.2017թ.-ներին հայտեր է ներկայացրել, առաջարկելով հետևյալ գնային առաջարկները՝ **520000 ՀՀ դրամ և և 3290000 ՀՀ դրամ** համապատասխանաբար:

Պատվիրատուն, ղեկավարվելով Կարգի 47-րդ կետի 1-ին մասի դրույթներով ՀՀ ԿԱ ՊԵԿ հարցում է ներկայացրել առաջին և հաջորդաբար տեղ զբաղեցրած մասնակիցների՝ ՀՀ պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների առկայության վերաբերյալ:

ՀՀ ԿԱ ՊԵԿ-ը 10.03.2017թ. և 31.03.2017թ. տրամադրել է եզրակացություն, համաձայն որի «Բալենդ» ՍՊԸ-ի հայտերը ներկայացնելու օրվա **(06.03.2017թ. և 27.03.2017թ.)** նախորդող երեք հաշվետու տարիների համախառն եկամուտի վերաբերյալ տեղեկություններ առկա չեն:

Ընթացակարգի գնահատող հանձնաժողովը 14.03.2017թ նիստի N 3 և 03.04.2017թ. նիստի N 4 արձանագրությունների համաձայն՝ «Բասլենդ» ՍՊԸ-ի հայտերը մերժել է:

ՀՀ ֆինանսների նախարարությունը, Երևանի քաղաքապետարանի 23.03.2017թ. թիվ 03/73-3/5169-17 և 11.04.2017թ. թիվ 03/73-1/6316-17 գրությունների հիման վրա, 23.03.2017թ. թիվ 03/73-3/5169-17 և 11.04.2017թ. թիվ 03/73-1/6316-17 գրություններով դիմել է «Գնումների աջակցման կենտրոն» ՊՈԱԿ-ին (այսուհետ նաև՝ Կենտրոն)՝ խնդրելով ուսումնասիրել «Բասլենդ» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ Ընկերությանը Ցուցակում ներառելու համար:

Հաշվի առնելով վերագրյալը՝ Խորհուրդը գտնում է, որ «Բասլենդ» ՍՊԸ-ի կողմից «ԵԲ-ՇՀԾՁԲ-17/22» և «ԵԲ-ՇՀԾՁԲ-17/26» ծածկագրերով ընթացակարգերի շրջանակներում 06.03.2017թ. և 27.03.2017թ հայտերի թիվ 3.4 հավելվածներով ներկայացված հայտարարությունները հանդիսանում են Ընկերության կողմից «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում **կեղծ տվյալի** ներկայացում:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե **հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:**

Այսպիսով, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար **պարտադիր և միաժամանակյա առկա հիմքերն են՝**

- նույն կետի «բ» ենթակետով նախատեսված և մասնակցին վերագրվող խախտման առկայությունը,
- խախտումը թույլ տալու պահից մեկ տարվա ընթացքում մասնակցի կողմից մրցակցային գործընթացին մասնակցելու համար հայտ ներկայացրած լինելու հանգամանքը:

Հետևաբար, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում «Բասլենդ» ՍՊԸ-ին ներառելու համար անհրաժեշտ է, որ նույն կետով սահմանված և **Մասնակցին վերագրվող**

խախտում թույլ տալու պահից մեկ տարվա ընթացքում անձը մասնակցած լինի գնման որևէ գործընթացին և ներկայացրած լինի հայտ, քանի որ օրենքի նշված նորմի համաձայն՝ մասնակիցն ընդգրկվում է նշված ցուցակում, եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:

Խորհուրդն արձանագրում է, որ «Բասլենդ» ՍՊԸ-ի վերաբերյալ միաժամանակ առկա են Օրենքի 5-րդ հոդվածի 1-ին մասի 4-րդ կետով նախատեսված՝ Ցուցակում ներառելու երկու հիմքերը:

Մասնավորապես, «Բասլենդ» ՍՊԸ-ի կողմից 06.03.2017թ. թույլ է տրվել Օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված խախտում և մինչև ժամանակ առկա է առաջին խախտումը թույլ տալուց հետո մասնակցի կողմից 27.03.2017թ. ներկայացված հայտ, որի շրջանակներում մասնակցի կողմից նույնպես թույլ է տրվել Օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված խախտումներ:

Կարգի 125-րդ կետի 1-ին ենթակետի համաձայն՝ Օրենքի 5-րդ հոդվածի 2-րդ մասով նախատեսված՝ գնումների բողոքարկման խորհրդի ընդունած որոշման հիման վրա մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է՝ **6 ամիս ժամկետով**, եթե ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որի հետևանքով տուժանքի, հաշվարկված վնասի, տույժի կամ տուգանքի չափը չի գերազանցում գնումների բազային միավորը և մինչև բողոքարկման խորհրդի կողմից համապատասխան որոշում ընդունվելը՝ պատճառված վնասը, հաշվարկված տույժը կամ տուժանքը վերականգնվել է կամ, եթե Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ունեցել է ժամկետանց հարկային պարտավորություններ կամ **որակավորման չափանիշների, իսկ ապրանքների գնման դեպքում՝ նաև տեխնիկական բնութագրերի գնահատման արդյունքում այդ որակավորման չափանիշները կամ տեխնիկական բնութագրերը որակվել են որպես մասնակցի կողմից ներկայացված հայտարարություններին չհամապատասխանող:**

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց

ՀՀ ֆինանսների նախարարության 23.03.2017թ. թիվ 03/73-3/5169-17 և 11.04.2017թ. թիվ 03/73-1/6316-17 գրություններով ներկայացված «Բասլենդ» ՍՊԸ-ին (ՀՎՀՀ՝ 07615943) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը բավարարել՝ «Բասլենդ» ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված 6 (վեց) ամիս ժամկետով:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի կայացրած որոշումը կարող է բողոքարկվել դատական կարգով:

Բողոքը քննող հանձնաժողով՝

Նախագահ՝



Լուսինե Ոսկանյան

Անդամ՝



Հայկ Կոչեցյան